

**Bosna i Hercegovina
Federacija Bosne i Hercegovine
Tuzlanski kanton
Grad Tuzla**



**Služba za ekonomski razvoj,
poduzetništvo i poljoprivredu**

Broj: 04-11-9741-4/2026 NK
Tuzla, 03.08.2026. godine

PREDMET: Program raspodjele sredstava Tekućeg transfera za finansiranje projekata iz oblasti poduzetništva, za 2026. godinu;

U Budžetu Grada Tuzla za 2026. godinu, na poziciji Tekućeg transfera za finansiranje projekata iz oblasti poduzetništva, planirana su sredstva u iznosu od **50.000,00 KM**.

Članom 21. Odluke o izvršavanju Budžeta Grada Tuzla za 2026. godinu („Službeni glasnik Grada Tuzla“, broj: 16/25), utvrđeno je, da se sredstva na navedenoj poziciji raspoređuju na osnovu Programa raspodjele sredstava, donesenog od Pomoćnika gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 7/20, 5/21, 4/22, 2/24 i 3/25), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, kako su u Budžetu Grada Tuzle za 2026. godinu namjenski planirana i pozicionirana sredstva Tekućeg transfera za finansiranje projekata iz oblasti poduzetništva.

Na osnovu člana 4. Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Tekući transfer za finansiranje projekata iz oblasti poduzetništva – ekonomski kod 614311/49, za 2026. godinu, broj: 04/11-A-9741/26, od 01.07.2026. godine, kojim su, između ostalog, određeni opći ciljevi projekata, fokus projekata, te projektne aktivnosti koje će se moći realizovati iz navedenih sredstava, odnosno prihvatljive projektne aktivnosti predložene u projektima kojima će aplicirati potencijalni učesnici u javnom pozivu, zatim je utvrđen minimalni i maksimalni iznos podrške za pojedinačne projekte i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi i efektima međusobne saradnje u funkciji unapređenja i razvoja poduzetništva, kroz direktnu i indirektnu podršku krajnjih korisnika iz ciljnih grupa kandidovanih projekata.

Putem javnog poziva, koji je bio otvoren od 06.07.2026. do 27.07.2026. godine i objavljen na službenoj internet stranici Grada Tuzle, a obavještenje o objavljenom javnom pozivu je preuzeto i od lokalnih elektronskih medija, blagovremeno je zaprimljeno 11 (jedanaest) aplikacija. Pristigli projekti su u propisanom postupku i primjenom utvrđenih kriterija i podkriterija, pregledani i adekvatno ocijenjeni od strane Komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu.

Radi se o projektima koje su kandidovali: Kantonalna privredna komora Tuzla, za projekat „EmpowerHer Tuzla – Žene u poslovnoj zajednici“, Udruženje za unapređenje konkurentnosti održivog razvoja „PROSPERA“ Tuzla, za projekat „Otkrij Tuzlu za 3 dana“, Udruženje Centar za edukaciju i obrazovanje, za projekat „Start Point+: Tvoj sljedeći korak“, Udruženje obrtnika grada Tuzle, za projekat „Uspešan obrtnik – Educiran obrtnik“, Udruženje „Humanitarna organizacija Bosanske rukotvorine“ Tuzla,

za projekat „Nauči – Izradi - Zaradi“, Udruženje „Golf klub Tuzla“ Tuzla, za projekat „Mini golf Tuzla Igra koja pokreće turizam“, Udruženje „Centar za socijalne inovacije“ Tuzla, za projekat „Ideja – digitalni akcelerator socijalnih inovacija i socijalnog poduzetništva“, Fondacija za inovacije, tehnologiju i transfer znanja, za projekat „Girls’ Day: STEM, karijera i industrija“, Udruženje građana Centar za promociju i razvoj „ACTIVUS“ Tuzla, za projekat „Tuzla Business & Culture Expo – Platforma za razvoj kreativnog poduzetništva“, Udruženje „Centar za promociju cjeloživotnog učenja ERAZMO“ Tuzla, za projekat „Dizajniraj svoju poslovnu priliku“ i Udruženje građana oštećenog vida Tuzla, za projekat „Razvoj poduzetničkih kapaciteta i poslovnog modela slijepih žena“.

Komisija za ocjenu i vrednovanje kandidovanih projekata, primjenjujući utvrđene kriterije ocijenila je da svi naprijed navedeni projekti, ispunjavaju uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije – Tekući transfer za finansiranje projekata iz oblasti poduzetništva – ekonomski kod 614311/49, za 2026. godinu, broj: 04/11-A-9741/26, od 01.07.2026. godine, te da su kandidovani projekti fokusirani na ostvarivanje ciljeva u prioritetnoj oblasti - poduzetništvo, definisanih istim Programom.

Nakon što su adekvatno vrednovani naprijed navedeni projekti udruženja, za koje je ocijenjeno da su kvalifikovani za podršku iz sredstava Tekućeg transfera za finansiranje projekata iz oblasti poduzetništva, te bodovanjem istih prema kriterijima utvrđenim LOD metodologijom, na osnovu prijedloga nadležne komisije, koji je prihvaćen u cijelosti, sačinjen je ovaj Program raspodjele sredstava tekućeg transfera za finansiranje projekata iz oblasti poduzetništva, za 2026. godinu (u daljem tekstu: Program), koji je prikazan u sljedećem tabelarnom pregledu:

Program raspodjele sredstava Tekućeg transfera za finansiranje projekata iz oblasti poduzetništva, za 2026. godinu

RB	Nosilac realizacije projekta	Naziv projekta	Iznos finansijskih sredstava (KM)
1.	Kantonalna privredna komora Tuzla	EmpowerHer Tuzla – Žene u poslovnoj zajednici	4.500,00
2.	Udruženje za unapređenje konkurentnosti održivog razvoja „PROSPERA“ Tuzla	Otkrij Tuzlu za 3 dana	5.000,00
3.	Udruženje Centar za edukaciju i obrazovanje	Start Point+: Tvoj sljedeći korak	5.000,00
4.	Udruženje obrtnika Grada Tuzla	Uspješan obrtnik – Educiran obrtnik	5.000,00
5.	UHD Bosanske rukotvorine Tuzla	Nauči – Izradi - Zaradi	4.900,00
6.	Udruženje „Golf klub Tuzla“ Tuzla	Mini golf Tuzla – Igra koja pokreće turizam	3.500,00
7.	Centar za socijalne inovacije Tuzla	Ideja – digitalni akcelerator socijalnih inovacija i socijalnog poduzetništva	4.000,00
8.	Fondacija za inovacije, tehnologiju i transfer znanja	Girls’ Day: STEM, karijera i industrija	5.000,00
9.	Udruženje građana Centar za promociju i razvoj „ACTIVUS“ Tuzla	Tuzla Business & Culture Expo – Platforma za razvoj kreativnog poduzetništva	4.500,00
10.	Udruženje „Centar za promociju cjeloživotnog učenja Erazmo“ Tuzla	Dizajniraj svoju poslovnu priliku	4.600,00
11.	Udruženje građana oštećenog vida Tuzla	Razvoj poduzetničkih kapaciteta i poslovnog modela slijepih žena	4.000,00
	UKUPNO		50.000,00

Ovim Programom će se pružiti širok spektar podrške velikom broju krajnjih korisnika podržanih projekata, koji pripadaju ciljnim skupinama nezaposlenih mladih osoba, osoba sa invaliditetom, nezaposlenih žena, dakle korisnika koji pripadaju segmentu socijalnog poduzetništva, te krajnjim korisnicima u segmentu malih biznisa i poduzetničkih i obrtničkih firmi, s ciljem razvoja svijesti o poduzetništvu i promocije poduzetništva, kao i razvoja turizma i promocije turističkih potencijala na području grada Tuzle, a u partnerstvu i sinergijskim djelovanjem Grada Tuzle sa organizacijama - udruženjima građana.

Završne odredbe:

Ovim Programom, za prihvaćene projekte, koje će realizovati: Kantonalna privredna komora Tuzla, Udruženje za unapređenje konkurentnosti održivog razvoja „PROSPERA“ Tuzla, Udruženje Centar za edukaciju i obrazovanje, Udruženje obrtnika grada Tuzle, Udruženje „Humanitarna organizacija Bosanske rukotvorine“ Tuzla, Udruženje „Golf klub Tuzla“ Tuzla, Udruženje „Centar za socijalne inovacije“ Tuzla, Fondacija za inovacije, tehnologiju i transfer znanja, Udruženje građana Centar za promociju i razvoj „ACTIVUS“ Tuzla, Udruženje „Centar za promociju cjeloživotnog učenja ERAZMO“ Tuzla i Udruženje građana oštećenog vida Tuzla, u skladu sa razmotrenim i prihvaćenim budžetima svakog projekta, raspoređuju se sredstva u Budžetu Grada Tuzla za 2026. godinu, na poziciji Tekući transfer za finansiranje projekata iz oblasti poduzetništva – ekonomski kod 614311/49, u planiranom iznosu od 50.000,00 KM.

Krajnji rok za realizaciju ovog Programa odnosno implementaciju planiranih aktivnosti podržanih projekata je 31.12.2026. godine.

Sredstva raspoređena ovim Programom bit će doznačena odabranim implementatorima, odnosno navedenim organizacijama - udruženjima, koji će realizovati prihvaćene projektne aktivnosti.

Sa implementatorima projekata koji su predmet ovog Programa, zaključit će se ugovor o regulisanju međusobnih odnosa u vezi realizacije sredstava raspoređenih ovim Programom, uz obavezu korisnika da Službi za ekonomski razvoj, poduzetništvo i poljoprivredu dostave narativni i finansijski izvještaj sa pratećom dokumentacijom kojom se dokazuje namjenski utrošak odobrenih i doznačenih sredstava.

Nakon realizacije ovog Programa Služba za ekonomski razvoj, poduzetništvo i poljoprivredu će pripremiti i prezentirati Gradonačelniku i Gradskom vijeću Tuzla informaciju o realizaciji i utrošku raspoređenih programskih sredstava.

Program pripremio:
Nevres Kamberović, dipl ing. polj.

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Alma Halilović, dipl.ecc.